



## Universitätsbibliothek Paderborn

### **R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis**

Vitae Ac Passionis D. N. Iesv Christi; B.V. Mariae, & aliquorum Sanctorum

Qvae Mysteria Resvrrrectionis, Apparitionis, & Ascensionis, vsq[ue] ad  
Spiritus Sancti Aduentum & Euangelij promulgationem, complectitur

**Puente, Luis de la**

**Coloniae, Anno M.DC.XII.**

Med. 14. De Apparitione facta discipulis in monte Galileæ.

[urn:nbn:de:hbz:466:1-38195](https://nbn-resolving.org/urn:nbn:de:hbz:466:1-38195)

## MEDITATIO. XIII.

QVOD CHRISTVS AP-  
paruerit omnibus Discipulis in mō-  
te Galilææ, & quid eis manda-  
uerit, ac promiserit.

## PUNCTVM I.



VNDECIM a Discipuli abierūt in Galilæam, in montem, vbi consti-  
tuerat illis Iesus: & videntes eum  
adorauerunt, quidam autem du-  
bitauerunt.

a Matt. 28.  
16.

I.

PERPENDENDVM primò, quòd vnde-  
cim Apostoli, discedentes ex Ierusalem in  
Galilæam, ipsius Christi iussu, magno animi  
gaudio, iter illud conficiebant, spe diutius i-  
psum Christum Dominum videndi: cuius in-  
stinctu, referebant eius Resurrectionem di-  
scipulis per Galilæam dispersis, qui, (vt insi-  
nuat Apostolus) conuenerunt b plus quàm  
quingenti, & scenderunt constitutum sibi  
montem, qui creditur fuisse mons Thabor, b 1. Corint.  
15. 6.  
vbi expectarunt Magistri sui v̄sitationem.  
In hoc proponitur nobis charitas & zelus  
Apostolorum, in conuocandis suis con-  
discipulis ad conspiciendum communem  
Magistrum; & feruor illius multitudinis  
quæ magna charitate montem illum conscen-  
dit, nos instruēs, quòd si velim⁹ videre Chri-  
stū cōtēplatione, & eius mysteria cęlesti lumi-

ne co-

ne cognoscere, conscendendus nobis sit mons vitæ perfectæ, & anhelandum ad culmen charitatis, & vnionem fraternam; quia hæc maximè disponunt ad eam consequendam.

II. DEINDE perpendam, quàm liberaliter Christus Dominus noster impleuerit, quod suis Apostolis promiserat, quod scilicet essent ipsum in monte Galilææ conspecturi: & fas est credere, eum aperuisse illis aliquam suæ gloriæ, & splendoris, sicut in eodem monte tribus discipulis, cum *transfiguratus est*, ostendit. O quam contenti, quàm iatiati omnes illi viri sancti remanserunt! & quàm libenter verba illa vsurpassent, quæ Sanctus Petrus dixerat in transfiguratione; *Domine bonum est nos hic esse, nisi tu aliud de nobis statueris*. Omnes Apostoli illum adorantes, Deum suum, & Dominum agnouerunt, & si qui dubitarunt fuerunt ex reliquis discipulis imperfectioribus; qui tamen, etsi initio dubitarunt, sui tamen præsentiam Christus, & abstulit dubitationem, & lætitiã repleuit.

## PUNCTVM II.

**E**T accedens Iesus, locutus est eis dicens: *data est mihi omnis potestas in celo, & in terra. Euntes ergo in mundum vniuersum, docete omnes gentes, predicæte Euangelium omni Creaturæ.*

## I.

S. Hierony.  
in hunc locum.

PERPENDENDVM hîc est, quòd Christus Dominus noster, passionis, & mortis sue meritis obtinuerit, qua homo est, omnem potestatem in celo, & in terra. Nam, etsi ea pote

Ita

c Matt: 17.  
2.

a Matt. 28.  
18.

b. Marci. 16.  
15.

stas ipsius esset, qua Deus est, multisque alijs  
 nominibus ei deberetur, ob vñionem hypo-  
 staticā, & quòd caput esset hominū & Ange-  
 lorū; voluit nihilominus hastā, vtdicitur, suā,  
 arcu & gladio illā obtinere; ideoque discipu-  
 lis nūc dicit; *data est mihi omnis potestas in ca-  
 lo, & in terra.* POTESTAS in cælo, ei data  
 est, ad portas cæli referandas, & introducen-  
 dos in cælum homines, ad distribuendas illis  
 cælestes sedes, & imperandum Angelis pro-  
 hibitu suo, in bonum hominum Electorum.  
 POTESTAS in terra est ad remittenda pec-  
 cata, ad mutanda hominum corda, & distri-  
 buenda nobis omnia dona spiritualia; & v-  
 trumque horum impleuit, quā primū per-  
 uenit in cælum, iuxta illud Davidis; *c. Psal. 67.*  
*ascendens in altum, captiuam duxit captiuitatem,*  
*dedit dona hominibus.* Gaudeo, Saluator mi, de  
 Ephes: 4. 5.  
 suprema hac tua potestate; gratiasque ago æ-  
 terno Patri, quòd eam dederit tibi, qui tantā  
 iustitiā eā es promeritus. Exulta, anima mea,  
 quòd ad eò potentem habeas Redemptorem,  
 nec dubites, obsequium tuum ei præstare, qui  
 facere potest, quidquid libet in cælo, & in ter-  
 ra. O Saluator mi, *d. Psal: 72.*  
*quid mihi est in cælo, & à*  
*te quid volui super terram?* Tu mihi satis es pro  
 250  
 rebus omnibus: in te enim qui omnia potes, o-  
 mnia etiam habeo.

DEINDE considerandum, Christum  
 Dominum nostrum, eadem potestate vtetem,  
 Apostolos suos per mundum vniuersum mi-  
 sisse, ad docendum omnes gentes, non solum

Iudæos,

Iudæos, sed etiam gentes, nec solum nobiles  
& potentes, sed quoscumque etiam vilissimos,  
*prædicantes Euangelium omni creaturæ*, mani-  
festantes illis omnes sanctæ fidei articulos,  
tum qui sunt, de Diuinitate, & Trinitate Dei,  
tum qui sunt de humanitate ipsius Christi. In  
quo apparet, e *Christum Seruatorem nostrum*  
(vt ait Apostolus) *velle omnes homines saluos*  
*fieri, & ad agnitionem veritatis venire.*

e 1. Timot. 2.  
4.

f. Matth. 5.  
45.

Nam vt bonitas *scælestis Patris* in hoc appa-  
ret, quod *solem suum*, hunc scilicet corpora-  
lem, *oriri facit super bonos, & malos, & pluit*  
*super iustos, & iniustos*; ita *charitas filij eius*,  
in hoc cernitur, quod sole *Euangelij sui* velit  
illuminare vniuersos mundi homines; & plu-  
uia suæ doctrinæ, rigare corda hominum vni-  
uersæ terræ, sine vilo discrimine horum, aut  
illorum; & sine acceptione personarum; eod-  
quod omnes sint ipsius creaturæ. O Pater a-  
mantissime: siquidem tua sum creatura, illu-  
mina hunc mundum abbreviatum, quem con-  
didisti, illuminans omnes meas potentias, &  
rigans eas rore supremæ doctrinæ tuæ, vt  
g. Ioan. 17. 3 *cognoscam te solum Deum verum, & quem mi-*  
*sisti in mundum, Filium tuum*, ita vt vitam me-  
am, re ipsa conformans tali haic cognitioni  
perueniam ad æternam.

a Matt. 28.  
19.

PUNCTVM III.

a **B**APTIZANTES eos in nomine Patris,  
& Filij, & Spiritus Sancti; docentes eos

(serua-

*seruare omnia, quaecumq, mandauit vobis.*

CONSIDERANDVM hic est, quod postquam Christus Dominus noster, Apostolis suis iussisset, docere omnes homines ea, quæ ad fidem pertinent, quasi eos Catechizantes, & sic ad Baptismum suscipiendum disponentes, alia duo etiam facienda mandauit. PRIMVM fuit, baptizare eos in nomine Patris, & Filij & Spiritus Sancti: sic enim Circumcisionis rigorem, in baptismi lenitatem commuauit; sicut & ipsas leges, ad quas illa erant primus aditus. Per Circumcisionem enim ingressus fiebat ad legem antiquam, quæ lex erat timoris & feruorum; ideoque eos, qui ad eam veniebant, cauterizabat signo quodam externo, dolorem, & ignominiam inferente, & partem carnis cum sanguinis effusione abscindente. Baptismus autem ianua est & aditus ad legem nouam, quæ est lex gratiæ, & amoris, lex filiorum, scriptæ præcipuè in cordibus illorum, ideoque aquæ tantum leni ablutione signat, in signum internæ ablutionis animæ, cui imprimat caracterem, qui est signum Christianismi; & communicat illis gratiam & charitatem filiorum propriam. Hinc est, quod Baptismus conferatur expressis tribus personis sanctissimæ Trinitatis, quia omnes efficiunt admirandos effectus in ijs qui Baptizantur. Nam PATER, Baptizatum accipit in filium adoptiuum, & cæli hæredem; ideoque sub sua etiam protectione eum suscipit;

FILI-

FILIVS Dei, accipit illum in fratrem, & suæ hæreditatis socium, meritorum ac fructuum suæ passionis participem, in discipulum denique, & valde dilectum amicum; SPIRITVS SANCTVS animam illam accipit in spōsam suam, exornans illam, dotibus, & virtutibus supernaturalibus; iuxta illud Pro-

b. Osee. 2. 19

phetæ: *b sponsabo te mihi in sempiternum, & sponsabo te mihi in fide, & iustitia, & misericordia, & miserationibus.* Tota verò sanctissima Trinitas, accipit illam in templum & habitationem suam, & eo desiderio illam ingreditur, vt in æternū in illa maneat, sibiq; amoris vnitione cōiūgar, illi vnitioni simili, qua tres ipse Diuinę personæ, in sua Diuina essētia sunt

c. Isai. 62.  
2.

coniunctæ. Et hæc sunt c *nominata* gloriosa, quæ Isaias *noua* appellat, *quæ os Domini nominat*, & imponit Baptizato Christiano, qui est Christo vnitus, filius, amicus, socius, & discipulus eius; & cuius anima, spōsa est Dei huius infiniti. Laudent te Domine, omnes Angelorum Hierarchiæ, ob innumera beneficia hominibus collata per sanctissimū hoc Sacramentū. Quid tibi reddemus, pro ea suauitate, quæ nobiscum agis, quæ tu pretioso tuo sanguine comparasti? Corpus tuum horrendis vulneribus fuit verè cauterizatum, quod meam animam in Baptismo, excellentibus donis vngeres, & gratiæ tuæ veste indueres. Quid gratia dicam tu ipse eius vestis efficeris, cum tuus Apostolus dicat, *d quicumq; in Christo Baptizati estis, Christum induistis*: Et, *e quicumq; Baptizati estis*

d Galat: 3.  
27.

e Rom. 6. 3.

missi

mus in Christo Iesu, in morte eius Baptizati sumus, & consepulti cum illo per Baptismum in mortem: vt quomodo Christus surrexit à mortuis, ita & nos renouati, glorioſæ eius Resurrectionis simus participes. Confirma in me Domine quod cæpisti, dignitatem illam renouans, quam dedisti mihi in Baptismo, vt ad plenam eiusdem in gloria fruitionem perueniam. Amen.

II

DEINDE iussit, vt Baptizatos docerent seruire omnia, quacunq; ipse illis mandauerat: atque si illis diceret: non debent contenti esse, si tantum Baptizentur; sed oportet illos viuere vitam dignam fide, & gratiâ, quam illis in Baptismo communico, seruantes non præcepta, & cæremonias, quas Moyses in lege sua scripta seruandas mandauit: quia illa omnia sunt iam abrogata, sed omnia, quacunq; ego vobis mandauit, cum legem Euangelicam promulgarem.

HOC itaque mandato Christus Dominus noster, abstulit à nostris ceruicibus graue iugum legis antiquæ; de quo Sanctus Petrus nomine omnium Apostolorum, dixit; *neq; Patres nostri, neq; nos portare potuimus; & eius loco, imposuit nobis suaue iugum, & onus leue legis Euangelicæ, quæ complectitur omnia eius præcepta, quorum nec vnicum quidem transgredi oporteat.* Gratias tibi, O Dulcissime Magister, quod grauissimum Moysis pondus, in g. *suauissimum Euangelij Iugum* g. Matt. ii. commutaueris, ad magnam animarum nostra- 30.

Actuum 15  
10.g. Matt. ii.  
30.

K

rum



h Matt. 5.  
19.

rum requiem. Aequum est Domine, ut ego impleam omnia praecepta tua, quae & pauca sunt, & iucunda, & à te proposita; cui ego ob multa, quae pro me fecisti, & perpeffus es, plurimum debeo. Cupio ea seruare, & alios ut seruent, docere; siquidem tu dixisti, *h qui ea fecerit, & docuerit sic homines, eum magnum futurum in regno caelorum;* adiua Domine duplici spiritu tuo, ut utrumque hoc, quod hic docuisti, exactè adimpleam.

PVNCTVM IV.

a Marci. 16. 2  
16.

**Q**ui crediderit & Baptizatus fuerit, saluus erit, qui vero non crediderit condemnabitur.

I. HANC promissionem adiecit Christus Dominus noster, ut nos ad obseruationem eorum, quae ipse mandat, impellat; nec tamen promittit, aut minatur bona, aut mala corporalia, aut temporalia, sicut in lege veteri; sed bona, aut mala spiritualia, & aeterna: frui videlicet salute, quam ipse sua passione, & morte nobis comparauit; aut eam aeternam priuari: quasi diceret: qui crediderit & Baptizatus fuerit, & ea impleuerit, quae vobis mandauit, veniam suorum peccatorum obtinebit, & spirituales animae suae salutem, per gratiam meam; & tandem aeternam vitam consequetur: qui autem non crediderit, hoc totum amittet: idemque eueniet ei, *b qui confitetur se nosse Deum, & fidem habet; factis autem id negat, quia non ducit vitam iuxta ea, quae credit; nec*

b Tit. 1. 16.

re ipsa

re ipsa præstat, quod in Baptismo promissit. O Deus animæ meæ, aperi mihi thesauros innumerabiles, qui verbo illo *saluus erit*, continetur, ut eorum amor, instiget me ad omnia, quæ necessaria sunt, ut re ipsa saluer. Aperi mihi etiam abyssum miseriarum, quæ verbo illo *condemnabitur* continetur, ut horrendorum malorum timor me urgeat, cum coelestium bonorum amor me non excitaerit.

PERPENDAM deinde infinitam Christi Domini nostri charitatem, & liberalitatem, cum non dixit: qui non crediderit, nec Baptizatus fuerit, condemnabitur; sed tantum: qui non crediderit: ut nos doceret, quamuis qui Baptismum contemnit, aut notabiliter in eo suscipiendo negligens est, sit cõdemnandus (quia *c qui non renascitur ex aquâ, & spiritu sancto, non potest intrare in regnum Dei*) qui tamen desiderium habet illum suscipiendi, sed absque suâ culpâ tamen suscipere non potest, is non condemnabitur; modò viam habeat fidem, ac de suis peccatis dolorem. nam is iam spiritualiter est regeneratus, & incorporatus Christo, ob contritionem suam, & Baptismi suscipiendi votum. neque enim tam copiosam suam Redemptionem voluit Christus ita contrahere, & ingressum in coelum in eas angustias redigere; ut homo rationis ca-

IL

c Ioan. 3. 5.

S. Tho. 3. p. q. 68. a. 2.

ceperit id, quod absque vlla sua culpa recipere non potuit.

## PUNCTVM V.

*a Marci. 16*  
17. **S**IGNA autem eos, qui crediderint, hæc sequentur: in nomine meo Dæmonia eijcient, linguis loquentur nouis, serpentes tollent, & si mortiferum quid biberint, non eis nocebit; manus super egros imponent, & benè habebunt.

## I.

HÆC promissio in triplici sensu expendi potest. Primus est iuxta ipsum textū, vt Christus eam potestatem fidelibus tribuerit, ad hæc prodigia patranda, quando ad fidei propagationem, & animarum conuersionem, ea patrare expediret: quæ potestas, re ipsa resplenduit plurimum in primitiua Ecclesia, & eandem concedet nunc ipse, quando ad ipsius gloriam opus erit: estque valde necessarium, vt hæc fides, & fiducia vigeat in nobis: siquidem infallibile est illud ipsius verbum: *b Matt. 17*  
19. *Lucæ 17. 6.*  
*Medit. 49*  
3 part. *men quippe dico vobis, si habueritis fidem, sicut granum sinapis, dicetis monti huic, transi hinc illuc: & transibit, & nihil impossibile erit vobis.*

## II.

SECUNDVS sensus eiusdem Christi promissionis est, de POTESTATE, quam etiam nunc habent in Ecclesia Concionatores, Sacerdotes, & Confessarij, ad hæc mirabilia, in animabus fidelium spiritualiter perficienda. Nam (vt ait Sanctus Gregorius.) Dæmonia eijciunt, quando pænitentes absoluunt, & liberant à peccatis; linguis loquuntur nouis, quando spiritu Christi, & idiomate cælesti, verita-

*Homil. 29.*  
*in Euange-*  
*lia.*

tis do-

tis doctrinam prædicant; *serpentes tollunt*,  
 quando inimicitias, & rancores mutuos com-  
 ponunt, & Saranæ astutias dissolunt; *morti-*  
*ferum quid bibunt, sed non eis nocet*, cum ver-  
 santes inter malos, eorum nequitas audien-  
 tes, nihil tamen mali illis adhæret; *manus su-*  
*per agros imponunt, & benè habent*, cum suis  
 exhortationibus & exemplis, debiles, & lan-  
 guidos in virtute, ad meliora prouocant. O  
 animarum Saluator, mitte multos operarios  
 in hunc mundum, qui hæc admiranda faciant,  
 quò fides dilatetur, charitas viuificetur, &  
 gloria cælestis Patris tui in omnibus au-  
 geatur.

TERTIVS sensus est de potestate, quam  
 quilibet Christianus habet, ad hæc signa, in  
 virtute Christi in seipso edenda. nam (teste  
 Sancto Bernardo) *Dæmonia eijcimus à nobis*,  
 cum habemus cordis contritionem, & perfe-  
 ctum peccatorum nostrorum dolorem; *linguis*  
*novis* loquimur, cum recedunt vetera, & ser-  
 mones terreni Adami de ore nostro; quibus  
 declinamus in verba malitiæ, ad excusandas  
 excusationes in peccatis; loquimur vero cæ-  
 lestis & novi Adami linguâ, dū in gratiarum  
 actione, & laudibus Diuinis occupamur, eaq;  
 semper loquimur, quæ Deo placent; *serpentes*  
*tollimus à nobis*, cum ressecamus occasiones  
 relabendi in antiqua peccata, & remouemus  
 quidquid cordi nostro, venenum peccati ad-  
 ferre potest; *mortiferum autem quid bibimus*,

III.

Serm. de A-  
scens.

nec tamen nocet, cum suggestiones quidem  
& carnis stimulos sentimus, etiam inuiti, non  
tamen consensum illis præbemus; *super agro-*  
*tos manus imponimus & bene habemus*; cum a-  
nimæ nostræ morbos curamus, eiusque passi-  
ones, exercitatione bonorum operum, pani-  
tentijs, & mortificationibus vincimus. Hæc  
signa sunt eorum, qui credunt ut oportet: quæ  
tamen non proprio nomine, & virtute præ-  
stare possunt, sed nomine & virtute Dei. O  
Christe potentissime & fidelissime, in te cre-  
do & spero, quare tuo nomine hæc mirabilia  
incipere statuo, confidens tuæ misericordiæ,  
quod iuxta tua promissa, sis me adiuturus ad  
executionem,

## MEDITATIO XV.

DE SECUNDA CHRISTI  
Promissione, manendi cum di-  
scipulis vsque ad consum-  
mationem sæ-  
culi.

a Matt. 28  
20.

**P**OSTEA, quæ retulimus, adiecit  
Christus Dominus noster suis dis-  
cipulis, & ecce ego vobiscum sum  
omnibus diebus, vsque ad con-  
summationem sæculi, quæ pro-  
missio omnium est placidissima, & affabilissima,  
quas fecit suis Apostolis: in cuius singulis ver-  
bi.